



0084 Армения, Ереван, ул. З. Андраника 1
Тел. 060 38 00 01

0084 Armenia, Z. Andranik st.1, Yerevan
Tel: 060 38 00 01

ՀՀ ՏԱՐԱԾՔԱՅԻՆ ԿԱՌԱՎԱՐՄԱՆ
ԵՎ ԵՆԹԱԿԱՌՈՒՑՎԱԾՔՆԵՐԻ ՆԱԽԱՐԱՐՈՒԹՅՈՒՆ
«ԲԱՐՁՐԱՎՈՒՆ ԷԼԵԿՏՐԱՑԱՆՑԵՐ» ՓԲԸ
ԳԼԽԱՎՈՐ ՏՆՕՐԵՆ

0084, Հայաստան, Երևան, 2. Անդրանիկի 1,
Հեռ. 060 38 00 01

Էլ. հասցե: hven@hven.am, www.hven.am

No. 04/22.1/4008-2024

«03» 09 2024թ.

«ՍԱԲԱ-ՆԻՐՈՒ» (SABA NIROO) ԸՆԿԵՐՈՒԹՅԱՆ
ԳՈՐԾԱԴԻՐ ՏՆՕՐԵՆ ԱԼԻ ՂՈՐԲԱՆԻՆ
ՀԱՍՑԵ՝ ԹԵՀՐԱՆ, ՍԱԿԵ ՄԱՅՐՈՒՂՈՒ 9 ԿՄ,
ՇՈՀԱԴԱՅԵ ՍԱԴԻԴ ՓՈՂՈՑ
ՀՎՀՀ՝ 411376567635
ԷԼ. ՀԱՍՑԵ՝ SABANIROOMANAGING@GMAIL.COM

ԾԱՆՈՒՑՈՒՄ

Պայմանագիրը միակողմանի լուծելու մասին

Հարգելի պարոն Ղորբանի,

«Բարձրավոլտ էլեկտրացանցեր» փակ բաժնետիրական ընկերության (այսուհետ՝ Պատվիրատու) և «ՍԱԲԱ-ՆԻՐՈՒ» (SABA NIROO) ընկերության (այսուհետ՝ Կապալառու) միջև 2021 թվականի հունիսի 15-ին կնքվել է «Լոռի-1» հողմակայանի Vestas-47 մակնիշի թվով 4 հատ 660 կՎտ հողմաագրեգատների թերությունների վերացման, արտադրող գործարանի հրահանգների ծավալների համաձայն մեկանգամյա տարեկան տեխսպասարկման (էլեկտրոնային, էլեկտրական և մեխանիկական մասեր) և շահագործման հանձնման աշխատանքների ձեռքբերման վերաբերյալ «ԲԷՑ-ԲՄԱՇՁԲ-21/33» ծածկագրով պայմանագիրը (այսուհետ՝ Պայմանագիր), որի 7.2 կետի համաձայն պայմանագրով նախատեսված աշխատանքների կատարման վերջնաժամկետ է սահմանվել 2021 թվականի սեպտեմբերի 9-ը:

2023 թվականի փետրվարի 2-ին կնքված համաձայնագիր N 5-ի 3.1.2 կետի համաձայն՝ պայմանագրի կատարման վերջնաժամկետ է սահմանվել 2023 թվականի փետրվարի 20-ը:

Պայմանագրի 6. 2 կետի համաձայն՝ Օբյեկտի կառուցման ծավալը ներառում է նաև Կապալառուի կողմից բոլոր այն աշխատանքների կատարումը, ծառայությունների

կատարումը, նյութերի տրամադրումը, որոնք Պայմանագրում նշված չեն որպես Պատվիրատուի պարտականություններ և ներառված չեն Պայմանագրի Համաձայնագրի՝ «Գնման հայտ», «Նախագծային և այլ փաստաթղթեր» վերտառությամբ Հավելվածներում, սակայն ողջամտորեն կարող են բխել Պայմանագրից՝ որպես Օբյեկտի կառուցման համար Կապալառուից պահանջվող աշխատանքներ, ծառայություններ, նյութեր, եթե այդպիսի աշխատանքները, ծառայությունները, նյութերը նախատեսված լինեին Պայմանագրում:

Պայմանագրի հավելված 2-ի համաձայն՝ աշխատանքի ամբողջական կատարումն (այսուհետ՝ նաև Աշխատանքների ամբողջական կատարում) իր մեջ ներառում է բոլոր չորս հողմաագրեգատների շահագործման հանձնումը՝ ներառյալ շահագործման հանձնման համար անհրաժեշտ բոլոր մատակարարումների, վերանորոգման և թերությունների վերացման աշխատանքների, ինչպես նաև արտադրող գործարանի հրահանգների ծավալների համաձայն մեկանգամյա տարեկան տեխսպասարկման (էլեկտրոնային, էլեկտրական և մեխանիկական մասեր) աշխատանքների ամբողջական իրականացումը:

Տվյալ պարագայում 2024 թվականի օգոստոսի 28-ի դրությամբ չորս հողմաագրեգատներից երկուսը շահագործման չեն հանձնվել՝ դրանցում առկա անսարքությունների պատճառով, և չեն իրականացվել արտադրող գործարանի հրահանգների ծավալների համաձայն տեխնիկական սպասարկման աշխատանքները, հետևաբար Կապալառուի կողմից խախտվել են Պայմանագրի 6.2 կետով և հավելված 2-ով սահմանված պարտավորությունները ու Պայմանագրի 7.2 կետով սահմանված ժամկետը:

Պայմանագրի 9.10 կետի համաձայն՝ Պատվիրատուն իրավունք ունի միակողմանի լուծել Պայմանագիրը, եթե Կապալառուն խախտել է 7.2 կետով նախատեսված Օբյեկտի ավարտման համար նախատեսված ժամկետը:

Հիմք ընդունելով վերոգրյալը, սույնով ծանուցվում եք, որ Պատվիրատուն՝ Պայմանագրի 9.10 կետի հիմքով, միակողմանի լուծում է Պայմանագիրը:

Միաժամանակ տեղեկացնում եմ, որ Կապալառուից կգանձվեն նաև որակավորման ապահովման և պայմանագրի կատարման ապահովման գումարները՝ համապատասխանաբար 12 778 116,32 (տասներկու միլիոն յոթ հարյուր յոթանասունութ հազար հարյուր տասնվեց դրամ և 32 լումա) ՀՀ դրամի և 7 500 000 (յոթ միլիոն հինգ հարյուր հազար) ՀՀ դրամի չափով:

**ԳԼԽԱՎՈՐ ՏՆՕՐԵՆԻ ԺԱՄԱՆԱԿԱՎՈՐ
ՊԱՇՏՈՆԱԿԱՏԱՐ**

ԴԱՎԻԹ ՄԻՐԶՈՅԱՆ